



Arkivnr: 2014/1230-79
Saksbehandlar: Lise Ådlandsvik

Saksframlegg

Saksgang

Utval	Saknr.	Møtedato
Fylkestrafikksikringsutvalet i Hordaland		07.05.2015

Søknad om tilskot til lokalt trafikksikringsarrangement våren 2015

Samandrag

Det er fastsett i handlingsplanen (2014-2017) at det årleg vert sett av 800.000 kr til tilskotsordninga til lokale trafikksikringsarrangement. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Søknadsfristane i 2015 er sett til 6. mars og 15. august. Innan fristen 6. mars kom det inn 15 søknader, med ein søknadssum på totalt 571.200 kr. Sak om tildeling av tilskotsmidlar til lokale trafikksikringsarrangement (PS 13/15) vart handsama i møte i Fylkestrafikksikringsutvalet (FTU) den 8. april 2015. Fylkesrådmannen sitt framlegg til innstilling vart samrøystes vedteke, og av det følgjer at det vart tildelt tilskot til 13 søkjarar, med ein total tilskotssum på 381.500 kroner.

I etterkant av møtet i FTU etterspurde Vaksdal kommune svar på sin søknad om tilskot, som skulle vere sendt til fylkeskommunen sitt postmottak 17. februar. Fylkesrådmannen kunne ikkje finne at denne søknaden var registrert i vårt saks-/arkivsystem, og søknaden var difor ikkje ein del av saka (PS 13/15) som vart lagt fram for FTU i april. Ettersom søknaden gjeld eit trafikksikringsarrangement i juni så finn fylkesrådmannen det rett å leggje fram saka for FTU på møtet i mai.

Vaksdal kommune søkjer om tilskot på totalt 150.000 kr til to ulike aktivitetar; eit trafikksikringsarrangement og ei tverrfagleg ressursgruppe. Totalsummen på søknaden er 200.000 kr, med ei fordeling på 150.000 kr til trafikksikringsarrangementet og 50.000 til den tverrfaglege ressursgruppa.

Forslag til vedtak

Fylkestrafikksikringsutvalet (FTU) tildeler 100.000 kr til lokalt trafikksikringsarrangement i Vaksdal kommune.

Rune Haugsdal
fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor inga underskrift.
Fylkesrådmannen, 22.04.2015

Bakgrunn

Det er fastsett i handlingsplanen (2014-2017) at det årleg vert sett av 800.000 kr til tilskotsordninga til lokale trafikksikringsarrangement. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Søknadsfristane i 2015 er sett til 6. mars og 15. august. Innan fristen 6. mars kom det inn 15 søknader, med ein søknadssum på totalt 571.200 kr. Sak om tildeling av tilskotsmidlar til lokale trafikksikringsarrangement (PS 13/15) vart handsama i møte i Fylkestrafikksikringsutvalet (FTU) den 8. april 2015. Fylkesrådmannen sitt framlegg til innstilling vart samrøystes vedteke, og av det følgjer at det vart tildelt tilskot til 13 søkjarar, med ein total tilskotssum på 381.500 kroner.

I etterkant av møtet i FTU etterspurde Vaksdal kommune svar på sin søknad om tilskot, som skulle vere sendt til fylkeskommunen sitt postmottak 17. februar. Fylkesrådmannen kunne ikkje finne at denne søknaden er registrert i vårt saks-/arkivsystem, og søknaden var difor ikkje ein del av saka (PS 13/15) som vart lagt fram for FTU i april. Ettersom søknaden gjeld eit trafikksikringsarrangement i juni så finn fylkesrådmannen det rett å leggje fram saka for FTU på møtet i mai.

Om søknaden

Vaksdal kommune søker om tilskot på totalt 150.000 kr til to ulike aktivitetar. Det fyrste er eit trafikksikringsarrangement i juni 2015 som har ungdom i 10.-klasse og eldre som målgruppe. Arrangementet byggjer i stor grad på liknande lokale trafikksikringsarrangement som FTU står oppunder. I søknaden vert det vidare opplyst at det *etter arrangementet vert «debriefing» og oppsummering i yngre og eldre ungdomsgrupper, samt foreldregruppe.*

Den andre delen av søknaden omhandlar oppretting av ei ressursgruppe og påfølgjande arbeid i denne gruppa. Ressursgruppa skal vere tverrfagleg, og er ein del av Vaksdal kommune sitt arbeid knytt til trafikksikker kommune prosjektet.

Totalsummen på søknaden er 200.000 kr, med ei fordeling på 150.000 kr til trafikksikringsarrangementet og 50.000 til den tverrfaglege ressursgruppa.

Fylkesrådmannen sine kommentarar

I fylkesrådmannen si vurdering av denne søknaden er det i særleg grad lagt vekt på dei vurderingane som låg til grunn ved handsaminga av dei 15 søknadane i FTU-saka av 8. april (PS 13/15). I fylkesrådmannen sine kommentarar frå denne saka heiter det mellom anna:

Den store variasjonen i type arrangement gjer det utfordrande å vurdere kvaliteten på trafikksikringsdelen i tiltaket. Haldningsskapande trafikksikringsarbeid er eit kontinuerleg arbeid, som ikkje kan målast i konkrete effektar av tiltaket. Dette er det viktig å ha med seg inni vurderinga av søknadane. Grunnlaget for fylkesrådmannen si vurdering av søknadane er at tilskotet som vert gjeve skal vere ei støtte for å sikre høg trafikkfagleg kvalitet på arrangementet. Vidare gjev kriteriet om at tilskotet ikkje kan nyttast til administrative kostnader og andre driftsutgifter føringar for tilskotssummen. Med det forstås ein at midlane frå FTU i fyrste omgang skal nyttast til den trafikkfaglege delen, og i mindre grad til andre delar av arrangementet, slik som for eksempel til mat/drikke og marknadsføring.

Etter fylkesrådmannen si vurdering viser Vaksdal kommune stor grad av vilje og initiativ for å styrke trafikksikringsarbeidet i kommunen. Intensjonsavtalen for å verte sertifisert som trafikksikker kommune er eit godt eksempel på dette. Vidare har kommunen ved fleire høve løfta fram sine særlege utfordringar med vegnettet i kommunen (E16), og sitt fokus på unge mannlege sjåførar som ei utsette trafikantgruppe i kommunen. Slik sett er søknaden som no ligg føre er eit resultat av dette engasjementet for å betre trafiktryggleiken i kommunen.

Fylkesrådmannen rår til at Vaksdal kommune får tildelt 100.000 kr i tilskot til lokalt trafikksikringsarrangement våren 2015.